

四庫全書

集部

欽定四庫全書

宋百家詩存卷十

嘉善曹庭棟編

倚松老人集

饒節字德操撫州人曾布之客也性剛峻與布論不合因棄去祝髮為浮屠更名如璧自號倚松老人居襄漢間聲望甚重呂居仁嘗有詩寄之云從君乞妙語一洗詩酒污又云小庭留得清秋在已見霜紅未

見君其傾倒如此

送故人

秋風夜作萬馬聲草木自有離別情君行何不卜春夏  
況我抱病方矜嶢吾生不祥憂患并行李四方影隨形  
少年之氣追琢盡胸中獨抱渭與涇世人紛紛水火爭  
我欲從之憊不能騎馬時尋故人舍掀髯抵掌意自傾  
圖書萬卷相將迎座無凡兒眼更明惟酒無量與興會  
吾醉未去君經營不用賜金為解醒一月何必一日醒

此中萬事氣自寧勿語世人人不聽君今胡為忽戒行  
使吾此計墮杳冥君行瀟湘絕洞庭沙頭水落鼉夜鳴  
想君抱恨寐輒驚起弔湘纍涕淚橫顧我徒為世網櫻  
前行霜雪後榛荆誰為傳之鳳凰翎與君方駕尋此盟  
送善權歸豫章

北斗以南好風土西山爽氣吞吳楚前輩風流固超絕  
後生法像仍奇古道入久學祖師禪敗裙破衲今幾年  
胸中秀氣磨未盡時出新詩皆可傳都城鼎鼎冠劍偉

并埽權門日中市道人香火辦寂寞有脚不踏公侯地  
古來賢俊能幾何只今零落亦已多一見道人氣象足  
蒲團斐几生春和吾思伸着向林莽未暇優游取卿相  
扁舟今日與君別明朝夢落江湖上

阿智歌

呂卿諸子森如蜩不作世間兒女氣封胡羯末自行列  
麟鳳龜龍各異致小兒阿智甫七齡袞袞似欲無諸兄  
疎眉秀目澹玉雪覆肝立壁開天庭自從諸兄授孝經

淋漓筆墨有典刑客來推席儼在庭舉頭揖客客為驚  
吾知呂卿大源委黃河崑崙千萬里政令凡兒出其中  
不扶而直麻生蓬況如此雖落落自奇偉出門汗血當  
追風

寄夏思道惠示緜帛

憶昔南方木葉下祝融逗留不退舍閭閻未簡卒歲材  
明月滿門自宜夜而今身在天中央日月寒暑遵故常  
西風今日我為政冥冥塵沙何可當浮雲倚勢不解事

濃陰數日釀秋思卧病但作仲卿泣載酒誰問子雲字  
故人千里知我寒書來遺我帛數端揀絲織作經緯稱  
長細廣幅尺度寬染人暴練勿設色衣被皎皎識君德

贈陳侯

古人已朽不可作長安年少多嶽嶽大官五斗僅代耕  
舒緩養高簡狀諾陳侯氣穩天機精心胸開霽脫檢繩  
只今冠佩奉朝請折節重士身自輕主人斗酒相逢迎  
金尊玉槃紅燭明黃花開徹秋未了殘月挂簷霜氣清

氣吞百吏不足數滑稽巧中一座傾座客未用喜且愕  
陳侯吏事復不惡簿書獄訟談笑了盜賊骨驚吏膽落  
至今魯山駕車處會使齊兒畏朱博方今天子坐明堂  
指麾羣醜如驅羊安得吏師如侯者上應列宿布四方  
政治豈但幾成康

送彭淵才如北都

吾學如水馬盡日忙不進結交有神奇所得盡豪俊十  
年困三舍萬事到兩鬢風流半零落吾道或拘窘彭侯



南方來超妙有遠韻落落澗壑資倒展解吾愠胸中幾年讀正朔謹堯舜盤盂百家伎鉤致得幽蘊夜半一商畧氣與山嶽峻方洋及衛霍似是老行陣崢嶸濟時術百未一見信自言窮達機默與寒暑運功名蓋偶然未暇以身殉偉哉君子勇一語破幽憤何時燈火底懷抱為吾盡

次韻劉無言遊法雲寺

磨蟻迭左右鐵炭互俯仰歲月如牧馬快驟脫羈鞅方

希草元雄未羨畫眉敬劉侯啓予者險韻寫勝賞讀之  
令人醒居然見圖像我昔曾此遊僧梵薦盼蠻撞鐘鳴  
木鯉破我顛倒想百年能幾何萬事苦鞅掌喪身聲利  
場齒角伐犀象前輩曉星散後生春水長君看門外轍  
盛氣日來往道人初不省禪寂異到壤乃知雨花地可  
以透迷網君侯此嘉集塵跡已相盪援琴寫我歎中夜  
發哀響

士大夫湛於不義雖窮極富貴君子過之弗顧

卷十  
而況女子失身委巷容笑之賤亦豈能自拔哉  
吾友人賦歎息行有為而作諸人既屬和僕亦  
擬古樂府為辭傷之於其末開之以正是亦詩  
人之意也

歎息復歎息丹砂為土玉為石誰家女兒妙無敵日日  
當窗淚霑烏問之何思復何憶深顰欲語語不得回身  
抱琴不回面清商自寫昭君怨朔風蕭蕭霜月懸萬里  
黃沙鳴一雁此聲此意太分明猶恐君侯未會情從頭

却欲為君說恐君斷腸君勿聽黃鶴一去已千里雉子  
高飛亦能幾人生長短要自裁嗟爾此身今已矣刺刺  
促促徒為爾

次韻劉時可劉將赴宣州幕

吾客汴之濱夢寐大刀頭幸逢劉伯倫衣冠少其流胡  
牀白羽扇語穩氣不浮異時果下馬髣髴遍九州每思  
張翰鱸為登王粲樓食貧節益苦異哉居拙謀宣州雖  
多賢祿仕恐未優長女嫁及時大兒婚可求長才不自

獻澹與衆人儔君其吏隱歟吾亦滄海遊

次韻謝公定時夏均父招諸客泛舟遊百花洲

好事屢載酒扁舟每乘興況當秋氣清開吾心若鏡風  
漪蹙寒綠日榦下脩影却從蒼翠中羨彼各飛泳翺翔  
數仞翼白小一寸命微物有至樂此理湏自領君侯靜  
無譁敢以一豆請人生百年爾飛電作光景試看楹間  
懸俯仰歲月永堂堂寇萊公祀事薦時餠吾徒豈不老  
噉蔗入佳境況茲詩酒習已自破清淨聊湏明月來塞

裳踏歸艇

戲汪信民教授

汪侯思家每不寐顛倒裳衣中夜起豈惟蓐食窘僮奴  
頗復打門攪鄰里涼風蕭蕭月在庭老夫醉著呼不醒  
山童奔走奉嘉客銅餅汲井天未明

送趙廉訪

飛來之峯可圖寫畫工搖筆不敢下玲瓏八面尚能摩  
萬古冷泉那可畫趙公胸中有涇渭愛山自得山水意

向來與客到峯前亭上酌泉賞泉味我客峯邊一蔀室  
關門無事輒終日公來剝啄自敲門暫解跣跌為公出  
池上烟光初過雨崑花膠輻開無數曳杖惟愁猿猱驚  
笑譚復恐蛟龍怒聞道公歸朝玉京王事不敢寬作程  
想公拜舞升天廷雍容奏議詳而明知公不獨稱安寧  
疎民利害通民情吾君憂民精且誠願公中和輔太平  
張執權主簿同二知縣大夫入山作詩併以見  
贈亦次其韻

吾不學支公畜馬作戲劇道人韻亦成癖又不學雲

巖常說老婆禪苦道熾然說牆壁歸來挈杖訪飲虹

虹

亭在懸瀑之下

攜詩過吾三士同吾喜坐之鵲壁峯下視凜凜

十八公諸人胸中何所有文字萬卷皆蝌蚪平生筆端  
自有口簿書透處時一吼白面王孫金作鞭憐渠政遭  
富貴纏今朝此樂戒勿傳一笑蚊蟲空過前

贈道人張謙中

道人髭鬚似民部平生篆隸心獨苦世間筆墨一點無



駸駸氣象追千古道人得師在何許秦漢鼎彝周石鼓  
若嶧山碑若詛楚二李而下初不數異時心醉不窺園  
依繩作直規作圓一朝妙解主人意脫落尺度誠其天  
嗟君絕藝世無敵勿示時流渠未識我亦當年好古人  
推席為君三歎息

為卿曇輔作一枝菴詩

百年七萬二千飯

胎兒經

檢校勞生豈無限巍巍孰是真

丈夫應作已作所當辨不信窮通手翻覆自窮自通均

不足窮思大厦千萬間通或胡椒八百斛道人不與世  
俗俱一枝自占巢有餘有時放杖據高梧睥睨三界如  
蘆廬春風數日到梅萼吟遠寒香雪欲作歸來跌坐尼  
師壇栢子烟消泉一勺圓明妙相本無我一切有求無  
不可平生高見隘古人焚棄經方見何左老僧年來學  
禹步跼蹐鑒井不能去還丹一粒能幾何從此遊山不  
知處

送宋秀才

東風欲歸不可挽門前芳草青青遠倚松卧病不能行  
肩輿出門還復嬾先生家住岷峨下當年神授神仙卦  
死生禍福如眼前從來鄉相爭稱借倚松卧病正無聊  
袖出神方色閒暇我知公意事仁義不學世人事財利  
無盡先生如古人一見先生愛其真幾年門下真子弟  
付之萬事未嘗計或云公可為身謀先生一笑公何醉  
倚松老矣世共憐公獨何心德如天從今藜杖儻能扶  
山長水遠公能從吾無

潤屋軒詩

層崖如立壁秀潤初欲溜下有癯道人異時妙基構為  
山不為屋豈待吉日戊軒成玉滿堦不減朱門富松篁  
既崔錯雲霧亦臻輳霜威入松骨古滑噴泉竇谷風卷  
簷回浩蕩金石奏騷騷烏夜啼鼎鼎雉朝雊時於藤蘿  
中便捷一猿透客來坐胡牀紙帳卷輕皺兒童敬杖履  
文史當俎豆微薰出小鼎長瓶上虛梵此樂君有餘何  
為尚奔走記我識君初昂昂野鶴癯風姿入清古氣象

脍九陋我遊山海間未獲一角獸如君亦幾何不落餘  
子後君如佳少年氣出萬夫右平生千鈞弩要以一手  
設雖未鬚眉蒼典型已可候汲深非短綆善舞屬長袖  
願君浚其源故道或可復功成歸北軒跌坐了昏晝

送不愚兄香巖行

君不見香巖之山天下望何必楞伽稱海上龍湫直下  
一萬尺鵲崖突起三千丈借問何人出其中前有國師  
後閑公中間有人騎乳虎大雄敬樹真卧龍山中壯氣

今重振堂上老人提舊印  
晶明如住廣寒深淵泉自吸  
滄溟盡兄今三十未為老  
名利波濤拔身蚤向來自裂  
子夏冠翻然便割天然草如  
兄勇銳世莫比誰與同生  
亦同死只今文采尚未章  
人道香嚴有真子隋河渾渾  
日夜流兄今倚柁到南洲  
南洲水潔草如染自在瀉山  
水牯牛

次呂居仁送李商老韻兼簡李去言兄弟諸同  
參

金  
卷十  
開門對南山萬物盡昭告自是君不領豈是君不好諸  
人如驥子橋首萬里道援琴欲寫之促軫不能操請子  
試停手趺坐東南輿

同參如用兵各出不會期一將夜破敵諸將或未知如  
何衛霍材局趣窺短籬軍儲有量數歲月未易支惟兵  
不可宿蚤寄入塞詩

用蔡伯世韻作詩寄之兼簡呂居仁兄弟

至理本曠夷小道皆左僻信能彈指了可死不待夕

松毛巧婦禽螺殼寄居蟲二物自廣大那知十方空  
百年固多變深谷或高岸要知悟破迷大似理易亂  
三世如旦暮四大轉風火儻能了無生如觀掌中果

示故人

變化密移何太急刹那念念一呼吸八萬四千方便門  
且道何門不可入入不入曉來微雨芭蕉濕殷勤更問  
箇中人門外堂堂相對立

客舟



金匱要略卷十  
三  
三界衆生俱是客就中君是客中客眼前何處非君家  
莫道有家歸未得

謁漢高帝廟

鳳皇山下綠茫茫殺氣猶纏古戰場他日英雄矜勝敗  
今時田野話興亡狗烹兔死已千載雷動風行尚一方  
過客若餘秦父老拜祠猶有淚浪浪

贈隱居

竟體芳蘭君可人一軒風月澹無鄰  
絲麻十畝他年老

文史三冬上世貧  
渾渾溜渥空自辨  
耽耽狼虎漫相親  
了然道眼都無許  
祇有鶯花滿意春

次韻彭聖從秋興

澹雲疎雨承秋蚤  
白露清風引夜長  
已見畢星朝北極  
似聞驍騎卷西涼  
隻雞還我田家味  
小胯須君官焙香  
千古步兵今遠矣  
屬誰長嘯作鸞皇

次韻米元章壯觀

曉色邛邛澹  
春風樹樹穠  
入窗中夜月  
千里隔江峯  
酒

道窮通樂詩原左右逢客來應下榻石鉞煮長松

端午日

艾葉斜枝短菖蒲瘦節長綠雲依鬢亂紅雪落杯香風  
物江淮似功名歲月忙澤間人吊屈應有淚浪浪

山居

小徑深通竹疎籬巧過藤冷猿嘯古木饑鷺啄寒冰貴  
客終難屈蓬門不用磨此中有佳處黃卷短檠燈  
門擁深深草溪明袞袞沙冷烟浮菜甲小雨薦茅芽老

興元無繫春工竟自華鄰翁却相可步屨過渠家

送王長元同弟次元赴官

梁苑春未競隋河凍尚肥鬢毛開老境甲子運天機  
華鄂君方仕樵蘓我未歸憑將汝南塵慎對可人揮

息慮軒

雨暗藤經屋春深草到門客來非問字鶴老不乘軒  
花氣翻詩思松聲撼醉覓呼兒換香鼎趺坐竟黃昏

九日發淮康

金少工乃人言  
卷十  
九日非吾事黃花亦謾生未傾彭澤酒還背汝陽城細  
雨秋天近西風白葛輕山邨遠城市可有笑歌聲

麻城道中

拱道新松無數青晚風十里撼江聲棟梁不是尋常度  
空有長松待老成

次韻

楊柳池塘表裏青魚兒偷眼畏蜻蜓夜來雨過菖蒲靜  
倒浸中天四五星

觀魚閣

紛紛乾沒可憐渠  
小閣詩書自有餘  
日背竹林風過柳  
試扶松檻看浮魚

春日即事

風光竟歲宜人少  
樂事惟春取數多  
果下小騶君借我  
一鞭隨意掠烟莎

盜獲

似聞有盜起空舍  
聞說驅除唾手間  
枹鼓不驚雞自午

先生閉戶養三關

尋梅二首

聞道香寒犯雪開  
馳裘絮帽探春來  
立春恰在王正朔  
次第羣芳不待催

樂事何如憂患多  
尋梅不厭數經過  
從今直到楊花盡  
終始春風亦幾何

望山

文章二子東西漢  
人物諸何大小山  
四海有家歸未得

眼看寸碧便怡顏

霸王城

百年父老不知兵  
楚漢相持尚有營  
日暮牛羊歸虎落  
野雞飛過霸王城

答惠海首座海乃圓照禪師小師

鬧市叢邊荆棘侵  
梅檀獨秀舊園林  
俊駒昔是吾家瑞  
老鶴今猶萬里心  
短笛淒清秋水濶  
亂山高下白雲深  
當年得力分明處  
竚聽爐香演一音



金剛經卷第十  
龍生龍子氣駸駸拄杖橫擔徧寶林果得雲門函蓋句  
有忘黃檗老婆心扶疎綠樹西風薄零落黃花秋意深  
若問宗風竟誰嗣請將消息問威音

莫歎宗師久屈沈趙州八十尚叢林脚跟點地便無事  
鼻孔撩天非有心落筆滿堂嗟敏妙談元終日見精深  
丁寧佛法無多子三角泥牛演梵音

流輩推高不獨今當年成筍便平林白雲縱有為霖意  
流水曾無戀影心問道故人歸雨後供香童子立更深

青山不免露頭角短幅斜封更嗣音

同廣德和尚及諸禪伯遊山有作次其韻

捫蘿挽石復穿雲却歎公侯走世塵  
碧嶂回眸三界小紅崖移步百花春  
長沙只解隨芳草王老猶難避鬼神  
不道遊山末後句瘳藤遙指牧牛人

海印生日

優鉢羅花此日開法王真子異凡材  
平生極力參耆舊晚歲傾心接後來  
得意篇章渾簡易忘情風境自徘徊

金瓶梅詞話卷十  
兒孫只麼酬恩德倒挽滄溟作壽杯

寄諸同參

好笑多知一老翁  
湏言妙用及神通  
吾無佛說并魔說  
誰問南宗與北宗  
麤飯有時聊飽腹  
破衣隨分且遮風  
他年同道如相過  
沙鉢煨茶竹葉中

龜山戲贈諧文章

水母潭邊窄堵波  
下頭有箇老禪和  
蒲鞋舊日曾供母  
寶壽平生不渡河  
衣鉢三千舊風景  
形模十二古頭陀

是凡是聖人休問門外寒松卷薜蘿

贈靈巖德雲庵主

道人徧歷五家宗歸隱林間事事慵  
几有時吟夜雨杖藜隨意倚寒松  
挿天戶牖險更險拔地樓臺重復重  
借問師庵在何處巍巍坐斷妙高峯

德雲庵

巖下虛通上入雲衆山圍繞一山尊  
德雲只在此峯頂童子何妨問法門  
已種穉松三百本待移蒼竹一千根

金匱要略  
卷十  
不須更學藥山老月下嘯聲驚遠邨

次韻鑑碧軒

當軒方鑑碧溶溶無事道人居此中弟子來參洗鉢語  
朋遊舊識釣魚翁一奩深淥桃花雨數尺寒漪竹葉風  
箇處好懷誰共委俯青飛鳥過晴空

戲乞石菖蒲

古澗靈苗不易遭寸根拳石著身牢齊如秧稻刺春水  
小似神龜負綠毛未與幽人共壽考曾隨遷客賦離騷

阿師垂手入塵去應許珍奇付我曹

次韻卿山主梅花

歲事功成雪洗塵化工著意製清新遂教天下無雙色  
來作人間第一春未許調羹傳巖老聊從遺興杜陵人  
遙知月下遶千匝桃李成蹊未是頻

再次韻關子開

我初註誤背簪纓君亦前生失念僧得意那知蟻旋磨  
反身方悟鼠侵藤高才自合參廊廟朽質聊須活斗升

已破小團盟異日速來相就鑿春冰

次韻靈隱小軒

小軒容膝趣清深只有溪風夜月侵  
絡石靜移春後蔓凌霄危露雨中心  
松窗舊有秋蛇帖  
几誰賡雪子吟他日幽人問佳致  
茂林脩竹似山陰

送以照上人

三年坐夏飽湖山夢遶江南身未還  
一見道人知妙質暫聞鄉語破衰顏  
朱輪華轂何曾乏白拂長藤自不閑

特立如師世無幾為君出戶立潺湲

和不愚兄庵頌

四海歸來坐太平莫令華雨惱空生歸雲無事朝猶卷  
老馬休心夜不鳴勝處林泉九節杖閑中日月二升鐺  
曉來乞火打庵戶想見春風一夢驚

用朱元方韻寄深明郎中二首

當時冠蓋集祇園大似農夫值有年龐老一言投馬祖  
陸侯徹底見南泉古今已自融三際語默何曾落二邊



父子並為同社客團樂應話老婆禪

剎那念念轉光陰已過方來不住今身似虛舟從不繫  
魔如敵國謾相侵未能以幻還修幻豈暇將心更用心  
以說為宗遍天下思公一笑白雲深

次韻鏡上人

妙處從來自不傳少時喜樂似初禪為山何止不成簣  
掘井於今未及泉自了一身同昨夢頓麾萬事付蒼烟  
因師聊作逢場戲老馬為駒不受鞭

色聲香味心緣觸忍進尸壇般若禪但識曹溪一滴味  
始知天下別無泉乳衣百漈猶聞氣城郭非遙蚤見烟  
到底輸他真定力暮途快馬亦須鞭

改德士頌

衲子紛紛惱不禁倚松傳與法安心  
餅盤釵釧形雖異  
還我從來一色金

比復僧相不愚戲作三頌恐傍觀以謂吾徒實  
有喜愠故復次來韻不免道破兼寄祖禹同參

道人

聖主生知本解禪  
故教勘破普周天  
一原大似東西水  
同體何殊左右肩  
把定絲毫渾沮喪  
放開頃刻便芳鮮  
衲僧敗闕知多少  
且笑髯舒三十年

復用韻自詠倚松

庵外無人誰過前  
老松千丈獨參天  
煮茶春水漸過膝  
却虎短牆纔及肩  
已送晚雲歸浩浩  
未分芽菊競鮮鮮  
客來問我何時住  
笑指松枝數歲年

松枝一歲長一層歷歷可數

不愚兄示上元佳句次韻為笑

溪雲釀雪展還收數日春嚴罷出遊月竹蕭蕭香轉座  
餅湯隱隱被蒙頭一燈聊破上元夢半夜稍增塗足油  
說妙談元吾不會從教高卦雪峯毬時戲作  
燈毬

次韻趙承之殿撰

第一流中能幾人瑤林瓊樹恐無鄰恬遊事外緣聞道  
憂到眉端止為民出處不諱渾入妙文章無意自通神  
頭青面雪關渠事要作菖蒲几硯春

捫蝨新籬

甕牖近山顛人言闕短垣聊湏安虎落未免代龍孫  
留路依松罅埋椿避石根從今有來客道得始開門

山居雜頌

石楠子熟雪微乾曾向人家畫裏看靨面似君君未領  
問君何處有遮欄

禪堂茶罷卷殘經竹杖芒鞋信脚行山盡路回人跡絕  
竹雞時作兩三聲

溪邊小立聽溪聲日到溪心  
衮衮明獨木自橫人不渡  
隔溪黃犢轉頭鳴

普巖臺上平如掌自是遊人路  
不通要識普賢真境界  
亂山如浪湧雲中

答惇上人

因君撩我彊題詩却憶當年夢裏時  
不識江南好風景  
采蘋人唱鷓鴣辭

送通上人為長蘆行乞

白蘋風作蓼花秋萬頃寒濤卷底流八百道人禪定起  
送君持鉢上行舟

偶成

松下柴門閉綠苔只有蝴蝶雙飛來蜜蜂兩股大如繭  
應是前山花已開

題宗子趙明叔盤車圖

跌宕平生萬里程盤車一展老心驚溪昏樹暗牛爭力  
似聽當年風雨聲

眠石

靜中與世不相關  
草木無情亦自閑  
挽石枕頭眠落葉  
更無寃夢到人間

晚起

月落庵前夢未回  
松間無限鳥聲催  
莫言春色無人賞  
野菜花開蝶也來

江上

秋江渺渺秋風急  
蘆花不飛露猶溼  
江頭倚杖不逢人



鷺鷥飛上漁舟立

應上人作法華佛事過余求頌為作短偈

未明心地法華轉心地明時轉法華老子年來渾不會  
野梅開過竹橫斜

贈相師

楮木巖中一病夫問生何處著榮枯却須自把軒轅鏡  
還見從來面目無

別草庵

非利非名非有求浩然乘興亦南遊白雲出洞初無累  
綠水逢坳本暫留石徑不移松雨曉茅簷長付竹風秋  
客來欲問庵中主桺栗橫挑四百州

薔薇

薔薇作架高一丈準擬春風如許長可憐條間一寸葉  
中有嫩色三月香

聞杜鵑

落月過山風露清雞聲未作天欲明杜鵑不管人殘夢


南枝飛過北枝鳴

毛雍玉縣丞到山中

何事凌寒帶曉暝高才不肯簿書昏別峯小寺已鳴磬  
夾道短籬猶閉門雨後松枝渾黛綠凍餘泉竇尚春溫  
聊將二物方君德富貴功名不足論

訪韜光菴主不遇

紫蕨伸拳筍破梢柳桃飛盡綠陰交道人閉口不知處  
黃栗留鳴鵲在巢



宋百家詩存卷十

欽定四庫全書

集部  
宋百家詩存卷十一

詳校官監察御史<sub>臣</sub>孫家賢

主事銜<sub>臣</sub>徐以坤覆勘

總校官庶吉士<sub>臣</sub>倉聖脉

校對官中書<sub>臣</sub>方大川

謄錄監生<sub>臣</sub>黃金鏞

欽定四庫全書

宋百家詩存卷十一

嘉善曹庭棟編

龍雲集

劉弇字偉明吉州安福人元豐二年以明經及第主  
通州海門縣簿調臨潁縣尉紹聖二年知嘉州峨眉  
縣會開宏詞科弇試豫選改太學博士元符中進大  
禮賦哲宗嘉之除祕書省正字歷著作佐郎充寶錄

院檢討官以疾致仕卒年五十有五弇兒時資警穎  
誦言日萬餘甫長落筆駸駸恃才不少貶性放達不  
卹細節所為詩文掀幽抉奧剷盪庸腐居龍雲鄉即  
以名集共詩文三十二卷周必大序之謂廬陵自歐  
陽文忠公以文章續韓文公正傳遂為一代儒宗繼  
之者弇也祖賢父慥俱有聲弟龕龕畬皆登進士

贈賈仲武

賈侯器宇何軒昂下視齷齪真糝糠眉分八字髭根黃



自許忠膽鐵石剛雕弓一挽一石強錦臂錯出虬青蒼  
匣劍排射星斗光壯心飛過祁連傍架鷹朝按血染裳  
鐵驄騎出轡鬧裝健兒前呵撾列行捷矢齊指雲中鴈  
豈惟武力稱擅場亦有文價騰焜煌新詩字字古錦囊  
清論灑落飛天潢險韻千百敢獨當管鋒落紙鏗琳琅  
古文探討屋壁藏史傳山岳遺毫芒酒酣往往歌慨慷  
連卷大白鯨吞航自云疇昔富文章家在冀北邊一方  
天書屢膺貢州鄉雲衢卜日橫騫翔中間落泊志不償

武科拉取如截肪沉有豪氣十丈長蟠蟄僅類絆驪驕  
苦恨天驕久頡頏撫臂便覺大袂攘坐縻歲月耗困倉  
口厭醇釀飽肉梁吾非斯人可相望要且報國真不忘  
我來自東南春陽邂逅紺宇同一觴幅巾輕蹤追徜徉  
促膝調笑初無妨自知投分出泛常豁如餒腹得糗糧  
短長不復置形相落去瞬睨決壅防嵇生轉覺嗜鍛忙  
高陽還因酒發狂漫叟戲規祇攪腸唧嘈不減笛弄羌  
截竹岳頂掀滄浪撥雲春茗誇頭湯爽齒旋復行蔗漿

黃金大顆披橘瓢插首往往羅幽芳頃茲行樂殊未央  
更辱邀我臨山岡大壺載酒列鼻香果釘梨栗庖麇麇  
韓劉黃胡狄與張一一瀟灑雜珮珩高譚終日佛老莊  
妙理密契矢插房絕倒頓足爭踰踉罷去追惜成悵悵  
誰謂夫君氣特揚投以大句尤加詳啓函愜興劇爬瘍  
忽疑寫睇臨望羊高躋欲斧李杜吭麟鳳自是品物祥  
邀予屬和馳縑紉直取夷險分駕良九牛犒師始落銚  
正喜先獲大纓嘗洪河下湧淼沛滂囚屯衆鬼納大荒

脫走束縛投桁楊  
寧郎瞰臨獲與臧  
蒲注羿矢連九暘  
沈魂夜泣青女霜  
此來繼辱厚意將  
殆欲引轍觀怒塘  
狗尾續貂彌足傷  
雕胡未易加糠粳  
搏空方見一鸚鵡  
短翮便可槍榆枋  
咄嗟豈得不知量  
區區瑣碎久嗜菖  
食魚誰敢期大魴  
尚欲勉強牽牛箱  
無鹽弄姿映康莊  
難工祇益羞姬姜  
聊將瓦礫酬琮璜  
終愧後乘非騰驤  
儀真呂明父席中觀新曲

有客揚楚舲  
歸與汨吾事  
波神慳冬漲  
吞過限修帶  
轉

頭凋歲陰蓬行變飽繫一逢金鑾人移我若清吹挽置  
十尺牀淵襟掃苛細壺封拆初黃露液攢沸蟻老實侑  
腴紫枯螯嚼霜漬坐有豪爽賓譁譁睨雲驥屯雲刮癡  
白有如擁天篲疏櫺炯蕭森北固決遙背半酣大軸出  
鯨窟咀甘餌當中傾玄圃瑤瑤紛百綴物愁殫渺情神  
妒奪孤閼快魂疏泠泠大叱回熟寐況復儀真曲不減  
銅鞮思淒清激吳音皓齒曾未愧辛醎皆可口卷舌得  
真意初如嚴冬逼肅物有餘喘末似陽春回怳入衆骨

醉將壇凜先登樂府仍一洗呂侯斯人望胸中弔古氣  
二十佩青綸三十清閒侍高纏見騰踏茂渥擅褒賁頃  
來笑畫脂無補當身寄卜築傲園綺秋蛭一官蛻大筆  
橫利槩興來即摩壘非如騷夢徒冗語釀愁悵珍重白  
玉船虹吞楚狂子

癸酉歲暮壽春道中五首

有城有城半無沒倔強當年開狡窟青韁白馬成底事  
魏得其狗空凌突清淮不洗鬢利魄石馬崔嵬化英物

據鞍浩歎為踟躕但有悲風起蓬勃

有鳥有鳥高飛鴻哀鳴嗷嗷隻影東枯聲策策霜後葉  
狂態騷騷空際蓬秋毫不礙挂天斗一氣正在胚臍中  
客邪中饑亂心曲短裘垢襪催衰癯

有渡有渡背北城凌排駕淮吹暮聲郵程未央豈病涉  
寄汝一檝椎生平古來豪士重感慨車下未乏宵衣征  
出處任天幸無苦有如此水吾其行

有叟有叟皤兩顛杖藜道周傲天年懷顏發笑挽行子

胡乃憊為忘舍旃吾儕小人敢不勉孔孟卷轍如趨朕  
男兒禿脰乃始已非爾所知徒慙朕

有客有客垢髮鬢羹魁挂鞍無宿儲翹心北闕比寒藿  
它日南山拋舊廬逆旅丈人真脆意揖我下牀邀踞躔  
悠悠高門擊鮮子萍匏殊根勿誚渠

石廊洞

在水新之蓮花邨

君不見仙家三十六洞天西南大半盤蒼巔此外元陽  
擅蘄絕況有石廊人喜傳碧蓮參差隅地湧徙倚危梯



飛蟬蝨陰陰洞戶半空開一縷聯四愁寄種萬鈞崔嵬  
挂礪石吁可怪兮若飛動天狀湫面尋丈間寒飈初慳  
媼神捧紫崖蒙茸瑤草秀懸泉涓涓挹天酒淑靈豈即  
乾坤私窟宅宛是神仙舊飛鳥點影陽光回遊子履深  
驚殷雷九夏三冬自回幹雨暘寒燠爭喧阗神物奄有  
似無謂突兀古廟當巖隈鼙鼙笑舞助怪變落日愁絕  
松風哀瞰臨一方殆天意累露之疑此其是仙乎仙乎  
胡不歸恐使秋燐泣陰鬼

李宰新成假山

夫子絕俗姿，趣尚豁雲海。花移洛下品，池割天潢派。中  
閒疊嵯峨，石手紛磊砢。功侔一簣始，正爾臨爽塏。羅浮  
窮南勢，迎目出巧怪。洗昏新罅發，祕匿若有待。騫騰天  
吳揖，聳削虬尾擺。當頭七八峯，縹緲散青靄。直下三四  
溪，何年取東匯。洞指白鹿迷，路認桃源改。時時攻冥頑，  
瀟灑遞天籟。得非緣夜半，提挈有真宰。俗物卑培塿，高  
標想衡岱。我家香爐傍，登躡素心在一從。羈官綴未省，

識蟲鬼俯窺攬雲骨逸興幾十倍無為議真假自可蠲  
塵浼何日升君堂把酒取一快

敘舊贈董承君

并序

弇十年前與董承君承議摻執淮上今又相  
值於故鄉契與比舊則有加矣聊欲見之於  
詩遂賦古風云

搖搖不根舟瀾漫隨所適朝辭呂梁險暮駭瞿塘迫長  
波送日月潏與雲海隔晚從天末歸良愧故人識夫子

吾土傑久任詞翰責刺手翻天漿灑作弔古墨班班出  
素蘊想見豹姿澤憶昨長淮壩半面欣相得君時天涯  
官我亦西風客薰絃破愁顏爽抱洗連壁吳岑刻玉瘳  
吟對挹佳色頽年瞥眼過十見溪草碧鍾陵旅學子官  
沉秋蟬翼影撇愧西崦弔影心惻惻夔魑競擲揄甚者  
得鷗嚇由來次公狂僅免陳遵謫敢意今者見依然得  
江國鄉情比重裘暖氣回肘腋南閭與東阡間躡車馬  
迹古人重交契遠有千里憶連牆彼何人老死不相覲

張陳汨勢利光初竟何益青原秀撞天螺水監膏擘襟  
期方未央更約浮我白

了頭巖

弋陽之東當古道有石突兀號了頭苔侵蘚剝風雨蝕  
骨幹聳削如鑱鏤不知何冤上訴帝叫閭之勢難稽留  
草木焦禿僅比髮獨瞰平皋疑秀發淺深丹頰耀晴霞  
髣髴瓊梳掠初月行人躊躇眸子眩癡女垂羊亦何別  
惜哉偽態苦冒真土俗傳誇疑有神陰崖黝黑崩脅腹

石眼六七流嵌根君不見望夫蕲蕲亦頑石似不徒狀  
肖真魄顛預廟食爾何補登進雞豚始乘隙安得擲置  
八荒外化作膏腴豐稼穡

宿法藏禪院

斜河左界懸朱提冷燼掠天螢糝飛高梧泣液涼參差  
前邨後邨烏夜啼雕甍繡棋絕坤維知自在世張禪扉  
有睨釋子龐兩眉清梵一聲捎翠微亂我心曲天之涯  
寂歷故感迎新悲歸與誰是真忘機獨鹿水深愁濁泥

清思

羲和日車脫其輻白雨洗天泊煩促綠蒲紫葍回塘  
搖搖瘳青環攔矗景長臺榭翳復明百尺虹腰黏淨淥  
神觀脩狀物外歸一簪斑籜動涼颼天上廣寒之宮不  
足羨人間醪清百斛真吾師

憶黃天倪

游絲罥空生別愁我車欲駕羌無輶驚風吹花濺紅雨  
白日西注僚九投青春九十行過半天腳空隨江水流

思君度日倚高閣時把長懷寄寥廓古人不願身後名  
但願即時一杯樂安得此身生羽翰高騫便似追飛鶴

邨南

邨南行吟踏新場馬乘款段壺懸漿稼如濃雲穠含黃  
柿葉亞枝收趁霜臘團鷄髀盤餚香簫鼓下神巫正狂  
呼兒往問當壚孃清美何如顧建康

贈法雲寺光上人

日邊開神皋古剎面青嶂寂寥千年後凜凜發孤壯上



人蒼藟英絕軻超性相獨鶴嶷瘳娑層冰爛清尚雲遊  
始丁年自副乃孟杖鞭羊去智害畫堊契郢匠喉呀般  
若音浩汗卷溟漲衢尊灑法味如取赤子餉九夏天無  
雲暑風濁於釀汨吾渺西征揮汗迷背項耿耿清涼境  
一榻炭相向屨蒲寧嫌猜目擊自張王禪場推選鋒宛  
是喑鳴將洗我苦空語盡決濛羃益兜羅辭鉅棘何有  
挂諸妄露地非端倪灑灑白牛放惜哉功名誤未爾寄  
物當它日虎溪傍還期杖藜訪

秋日儀真即事

秋風來從越天末  
痛洗玻璃出明月  
雲旆隱起玉龍眠  
下有春容萬濤雪  
獨墮之綸欹一葉  
半酣老漁櫂歌發  
客心寸許了無多  
底事臨風吹欲折

丁字河頭丈錦翼  
似是東園故鷁鵲  
天風蕭蕭吹汝急  
遣汝周章無好色  
江籬幕麗過行人  
一顧為之三歎息  
我願舴艋從溪翁  
雙舂鉏邊作幽客

秋入前山瘳如刻  
楚弄吳吹沸江國  
魚龍燕爵安在哉

粉白黛黑埋真色迎鑾誰是當時人  
胚胎黃金仍埽迹  
飛來蜀岡爾何事似欲撞空爭岑客

無根濤頭萬瑤垤曾是隨風起生滅不應散裂泥人綃  
大似半吞廣寒月紛紛何用辨馬牛  
皖皖相矜笑蛙鼃  
會得秋時買野航別看吳兒舞狂雪

持釣

艇子悠揚打雨來  
嫋絲越箭青玫瑰  
昨聞古湫新雨足  
漲波泛入西溪來  
西溪兩岸行人少  
白鷺對翹佳客陪

低雲弄嬌不成去半與枉渚相縈回藻間蘋尾廁銀鯽  
正爾作羣爭曝腮故應沈餌得所置行醉甕間新熟醅  
宿長山寺

蒼山兩蟠虬傑勢分天矯不緣事幽尋茲地終難到破  
暝紫烟生寫谷清樾好邨長下牛羊雲綻入歸鳥松風  
卷孤磬夜半秋聲小客懷方未央千里漫白道庭樹一  
鳥驚愁看楚天曉

夜泊玉湖口

流溪一瀉驚磨垢夜繫蒙衝玉湖口青燈明外稍知邨  
白鳥飛邊初辨斗風死波閑坐來久短髮欲搔慵著手  
一泓清淚墮吳雲橫管叫秋龍子瘦

何塘精舍

松閑竹澹清午陰金地少塵門更深忽從襪襪出重閣  
飛梯十尺下瞰臨有客觸熱來自東汗絺裯暑慳天風  
頽龍揚鬢日轡緩碧椀先愁井絲短

大孤山

章貢西南來銀濤白浮天揚瀾開泛濫如剖大腹狀茲  
山遙相望盤薄知何年海風一何高吹落蓬萊巔浮根  
襲氣母弄影白日邊赴渴夸父奔濶騫踵不旋軒軒執  
法臣立當天子前宮螺出佛髻青跗帶秋蓮瑤璃千丈  
簪忽與冰箔連鳴榔巖腹雨挂席浦外煙鶴駕控不返  
空遺紫芝田香鑪初爭豪落星纔一拳擢秀蒼梧雲發  
彩翼軫躔上窺杳冥無極之層霄下控瀾茫不測之重  
淵松蘿參天歲月老清瀾泛沫魚龍閑中有神謁臨睟

睨舟往還流俗謂女子影纓來此山  
香脂間綃繒鸞豬捧羞盤至以孤  
為姑考究初無端可憐俗好怪此語  
良大漫神固不可誣何得正以女子  
觀吾言庶幾為不妄不狀茲山徒與  
望夫女几爭巔岼

送哲公禪老二首

有序

哲公禪老住奉新之人王院於其取別也送  
以二詩

有鶴青田來骨傲九秋老羽毛雞鶩閒不復故時好吳

霜割清夢一夕落幽島哲乎開士秀佛路著鞭蚤世界  
糊空雲一以涼飈埽往聞琅瑯覺禪海卷狂潦紛紛方  
袍子未易舂舂到師如健叟兒把握攫梨棗爾來三十  
年方寸不貲寶鯨鍾人誰識聊徇衆擊考又作雲山行  
方將同木槁勿學斷緣人時寄新詩藁

我聞豫章境勢勝所至生山皆撞空活水有照骨清其  
間佛老宮往往聯飛甍人王邑一隅古屋纔數楹虛點  
自不到日飽松風聲十丈挂溪影虹橋插崢嶸擲揄下



夔魑踉蹌笑麇麇師方得所欲振錫了不櫻非如入流  
子橫計多餘羸秋畦蹲鷗老晝飯宜香杭由來介石身  
忽作歸雲輕

贈雪峯長老守超

仰窺玉奩天面窄頑碧顛青自天擲袒裨不管地祇慳  
十五百徒此其它流水聲中換今昔粉抹頰糊老椽壁  
枯木庵回舊日春難提塔示重來圻

存公自云難提塔  
拆當示現而師住

持適當超公最後法席張全機撲落毬場曾令天花  
塔拆云

倏飄墜況有庭橘符青黃

師與愛弟彥泊中散公雙生時庭橘止有青黃二包人

瑞

以為烏藤橫膝傲佛祖熟識眉宇瞬且揚天吳吹瀾洗

靈垢方諸挹月來清涼東甌萬剎盡金布咋舌誰堪論

妙悟賺殺參兒走衲雲高枕無乃林泉負廬峯南遠真

西材叩寂丈室慙宗雷秀巔龐眉逼人爽反疑不自塵

中來由來山興復不薄畏途何計揮塵縛詰朝匹馬汗

羞顏又作楊花無止泊

和仲武苦雨見寄

君來通川居朱門廕重屹近聞值霖雨匝舍野水淙平  
地忽浩瀚頓足疑涉江猛風利如刀觸紙無完窗朝釜  
魚頭生飄注旋翬缸仰收墮案書俯拾短焰缸癡兒臨  
缺湫往往駭影雙我亦有此患漏榻遶屋扛塊如失羣  
鵠感憤愁眉龐孤膺紛填噎更甚兩肘撞辱君大句投  
華旗揭修杠直欲卻以心不容苟且降森披漢殿戟鏢  
縹梵天幢蒼徨短兵接豈暇輒淬鏃區區苦吏役展驥  
曾非龐強亦歌已歛跛鼈慙驪驪

晚晴

翔飈拂層陰孤鏡挂天腳幽姿媚澄塘俊活扶秋岳飢  
鳥下木末啁雀喧檐角落日銜半規逗翳如新濯海濤  
晚聲收萬里卷冰箔微颺襲疎櫺輕靄躡叢薄蛛絲嫋  
如狂虛隙野馬躍病軀得愜適更甚解纜縛瀟灑萬賴  
并泐融百飛卻熊經與鳥申髣髴猶能學蕭蕭寒碁弄  
天半哀音落客愁轉如蓬萬緒入冥冥不無臨風想曠  
日歸領畧茹蔬味新腴把酒蘸沈粕明朝踏新泥已有

躋攀約

送新淦余宰虞卿

時平循良用墨綬紛委蛇夫子西南英三十朝紳托爰  
來慈衆兒一舸芝眉和里閭無愁歎卒歲知婆婆牛解  
等是刀恩染誰非波神閑畧朱墨日永餘弦歌及瓜賦  
歸與去去可奈何春容雲濤裏一葉翩經過羹魚飯香  
和涼衣送長哦三年種桃李留得春陰多鄧挽徒虛語  
襴翻方雲摩行哉尚良食吾君正卷阿

留題王公謨冲閣

檐牙排青冥眺聽脫蒙昧居朕人境寬魚貫出萬態坐  
疑天機緘發露窮瑣碎圓清入鳥哢灑灑送客慨脫巾  
晚吾來靜稱一榻對睨雲發高興勇欲決翳蒼胡為淫  
書史歛若嗜炙膾長年馬如狗埃壒顛毛改茲趣恐長  
負踽踽依儕輩何當拾頽齡相與寄耨耒挽君醉鄉衣  
枯肺時一溉

和權之嚴韻

庭椿摘初黃畦韭翦柔綠春盤巧飮餽一箸生理足今  
者鳴啾腸飢花到雙目終慙短豆戀誰轉紫芝矚青煙  
撲九衢碧瓦酣萬屋朝來好龍客義動重裘燠慙慙斗  
酒約豪健賽楊僕吹回麴車夢鴨羽正肅肅九天真龍  
飛萬物彈冠沐蕭短草木姿窳賤衾稠宿叨逾太官粟  
敢計功利速惟應杯中物可仗詩筒趨

送貫之縣丞解官還壽春

西江客袂春風老吹得歸心亂如草鯢浪三篙下晚艍

去程不學寒蓬埽淮山蒼蒼淮水長千里一官歸故鄉  
舉世由來青眼少孟娜破黛嫫母狂緹巾什襲盡燕石  
埋蝕大半雙明璫干霄自是男兒氣遭與不遭真偶爾  
人非田文莫彈鋏世有伯喈須倒屣君其行矣重問津  
蹠月駒駢寧絆死

次韻和彭道原元夕

攬雲握幕張流蘇華輶夾道青氍毹黃昏天公下種榆  
百萬星點成須臾赤帝鞭車墮雲衢燭龍駢頭浦還珠



競隨丹豹膏鳳雛麟鬚拂蛾間數疎絃嘈管啖聲鬱紆  
櫛比百戲羅侏儒輕紈繡履踏艷姝灼灼巧笑聯芙蓉  
有客年來倦著書囊錢困粟索無餘短釵列按擁敝襦  
未堪行樂誇睚眦大奴聽響仆屋隅小女行卜迎紫姑  
子雲門巷正蕭疎誰者載酒論區區

題遠上人休老庵

上人叢林秀襟期支許越往從湖山遊發軔無留轍轉  
身浮雲空歸興飛鳥豁故鄉得青海下瞰鯨燦窟結廬

纔蝸牛勝踐喧卑脫叢殘翦荆棘忼敞棲楫埒蘭苕紛  
被逕關鎖晝不掣由來大慳生卓錫果清絕菅茅席三  
徑虛榻埽涼月不持一錢居未省香火歇鶴骨老亦輕  
田衣故仍潔高春一飯過野薺供嚼齧笑作瘡剜肉薦  
語畏饒舌陽岡諸蔗稠乳竇春泉冽行當攬俗駕滯念  
論一呷

我行

我行適東陂野色若可搴問津初無從強驅良苦鞭三

濡貯客潦冉冉吞吳天故壘何崢嶸荒涼非昔年虹腰  
截海堰蜃氣噓黛煙霜封百草乾回風時颭朕狐兔死  
欲盡飢鷹空老拳邨深行人稀落日下烏鳶敗荷古毳  
衲野菊金連錢羈懷自騷屑節物驚徂遷投暮僧舍中  
誰者同留連

留題疎山白雲禪院因呈長老秀公

白雲去不還空留白雲額至今飛山顏片片盡秋色蕭  
蕭事盤紆剗石轉鼓仄觚稜騫古殿粉墨昏絕壁有客

倦歸艤瀟灑寄一適松蘿青鳥哢江影卷餘白始時開  
山人真意非無得百年驚一呖節物變今昔誰是雲無  
心脩狀彼禪伯

鄱陽湖四十韻

巨浸連吳越高躔直斗牛玄冥開別府江伯匯支流象  
緯元精逼神奸祕怪哀番君疏帶礪彭蠡壯襟喉赴隙  
如無地憑孺忽有州津涯逾寫潤窟宅定剗幽島認瀛  
鼇戴濤疑陣馬菟珠跳憐雨駛鏡滑識風收樹帶喬枝

隱山餘短碧浮窺覘波罔象睥睨伏陽侯漾月都迷皓  
蒸雲間作油涵濡均藻荇冗長到鰕鰕蜃幻晴噓閣龍  
腥夜拔湫萬尋懸圓玉一帶洞庭秋盈縮知誰紀吞并  
似力掣鯉矜封赤鯀龜笑斥朱眸嵌竇扶桑齧珍文匠  
石鏤鷗羣馴野客蚺肆傲潛蚪咎數筐零霰檣輕弩激  
鏃孰分浮瓠蒞或訝繞蛇丘絃索延商婦解艘送莫愁  
陶朱誠得策神禹想遺憂端稱潺湲弄非無隱伏揆豆  
分高下渚葦視去來舟血脈乾坤活瘡痍稼穡披猖

包息壤瑣碎落浮漚蓮女嬋娟擢漁郎芼燥甌有人褰  
繡被無客傲鸛裘貨貝窮乾沒醪羞肅丐求束枯論沃  
釜戒覆比傾輶衆水杯盂外它年吐納尤鵲填功未議  
鯨吸志應酬何事輕思濟吾防果未周阡危心骨醉飄  
泊面顏羞敢計乘槎去何知戴笠遊片帆真擾擾隻影  
轉悠悠卑溼嗟梁傅星霜挂魏牟勞歌慙孺子破簾付  
平頭烏豉緣尊置黃糒為鱸謀清螺取歸日穩擢聽夷  
猶

蔣沙莊居八首

它日蓬蒿地吾廬瓦數溝井泉甘勝乳庭竹冷先秋邨  
落時情澹田疇歲計優荆扉論日掩最喜近松楸

翳翳柔桑活輝輝野水寬藝蔬蒼芥甲延客白蒲團點  
綴花黏蔓稀疎粉束竿家風纔茗飲一室聽冰寒

軟滑香秣顆肥長紫蕨苗盤飧殊不惡鄰叟亦時邀潘  
岳蕭條鬢陶潛頽頽腰巢枝得安穩萬物一鷦鷯

晴屋鳴鳩婦春陂翳雉媒筋頭甘野菽鉏力到陳芟掠

水千艘健橫風一笛哀最憐雙白鳥解事等閑來  
十里蛇原近宜杭一畝金亂醒眠暗術嬌碧擁雲林蚤  
晚歸與計因循愧此心江南吾土樂應得慰消沈

羊棧雞塢接蔬畦麥壠傍蝸涎書老壁苔陣澀高廂家  
有青緇學兒傳急就章未甘騎瘦馬跳蚤事乾忙

名愧周繁弱材非魯孟勞蛙仍當鼓吹徑任沒蓬蒿紫  
芋新廚味黃橙馥鱸刀業詩何水部耽酒阮兵曹

劉宗墳墓國金水渺縈回颺颺鴉巢覆疎疎槿戶開春



風持贈柳臘雪試妝梅欲識塵埃少元無俗物來

莆田雜詩十首

梅雨催農罇癡風泣海檣魚龍波浪闊燕雀戶庭涼  
鱖柱春剝玉蠔山夜鑿霜家園兩痕淚蚤晚促吾裝

南北分雙剝公私限五塘蚶祠開瑣碎蠓井幕荒涼  
酒熟傳紅泛搶珍異墨黃飄零晉耆舊冠劍幾星霜

梅井經疏鑿如聞自昔人玉奩深貯月雲乳暖藏春  
桐葉誰新汲葵芽好問津端堪事杯酌冷汰客襟塵

鵝鵝青春晏鰭鮑白杜驕掠風雛燕翼界雨晚虹腰醪  
醪銀牀瀝芊葦紫澗苗到家幸無苦浦淑有回潮

飽聞何氏子遺迹在仙山節擁三清絳龍騎九色斑曲  
屏明翳會哀玉走潺湲好刷摩天翮徂鑣試一攀

鶴唳歸雲急龍移過雨腥桂清飄月岫槎老卧煙汀洞  
失壺公舊霄傳妙應靈不緣幽事隔小復理篁簾

共樂超狀構躋攀一氣邊蒼茫雲水國清潤李梅天碎  
白淙崖瀑孤青煮海煙三神山自邈何至苦求旃

蟪蛄當戶綴絡緯擁莎吟詩魄干霄上  
碁魔攪海深忘機一飛鳥藏拙萬黃金  
昨有逃虛慰支郎下北岑

當日山南寺層樓插蔽虧龍蛇絨柳筆風雨舛唐碑  
甃淺雲吞液山稀海襯眉杖藜揩瘳鶴白髮茂林緇

荔子綃囊播蕉花玉糝駢紫髯牽騾裹紺纒走嬋娟  
蕭寺千家幕蘭盆七月天壺公仙日月乞汝送流年

蚤發赴蒙縣

草露垂垂白溪泥腳腳深槿籬藏吠犬桑翳漏棲禽食

七驚浮世鞭梢度寸陰利名么膺得會是死灰心

贈謝民師

三語君為掾百罹吾厭生江山共鄉思蘭桂敵交情黃  
卷真無負龍淵恐不平何當改初服別約紐荃蘅

臨江

居狀兩福地首尾限清江窸窣蘆州抱晶熒石澗淙潑  
雲和擺極割雨曉舲艘愁絕邨南舍馴雞對小窗

春日舟中即事

墨綬蠻鄉去青春瘴海行陋蓬愁暴雨小艇畏長鯨灘  
惡舟難渡風狂浪易生不堪江上笛時送兩三聲

試院次韻奉酬趙達夫記室惜別之什

風酣雨軟嫋檐絲端負吾人痛飲師使者嶺梅傳信遠  
王孫芳草怨歸遲釀成紫府無端夢開到朱闌第幾枝  
欲問東君挽流轉顛狂好在曲江詩

酷愛春如蜂蝶迷還憂青帝學班師愁城恨壘挨排到  
酒約花期賭當遲端負江湖歸去櫂最關桃李別來枝

松丸暖動蟾蜍滴消殺風光盍付詩

張壽翁朝散有詩紀同舍名銜錄次其韻

柳茸無力杏燒紅春入愁腸不散窮千佛經慙名姓入  
一尊酒慙笑言同寫成懸圃新聯壁分與秋風舊轉蓬  
好樣醉鄉拋擲卻百錢輸與杖頭翁

次韻和汪道濟都講惜惜吟

錫製溫體器也  
汪強名為惜惜

溫柔鄉定虛言耳爐火功真長物哉疑別有天春不老  
知誰為雨夜曾來滿移妃子三湯夢暗奪仙家一息胎

燕玉浪傳思暖老箇中消歇幾沈煤

送林錫遠帳勾罷官

五月角黍江南天驪駒送客黃金船悠悠別思不足道  
去去宦情如欲仙青萍由來異死鐵綠綺未易論膠絃  
強懷為君歌短什壯圖輒勿輕流年

招季山還家

蕭條門巷未足愧晚晚歲時胡不歸綠葵白芋故園老  
黃頰頰尾前溪肥浮名莫羨風過耳久客可憎塵滿衣

約君對擁當戶榻聊割一畝秋蟾輝

蚤發襄邑

迢迢汴水吞窈冥白榆多於天上星  
林梢碎漏月痕白  
草頭冷泣螢腰青雲霄九重近在目  
鵷鷺百翮誰趨庭  
雞聲馬蹄正立敵斷送垢褐疲吾形

夜泊建溪豐樂驛前

溪靈覓罅吹灘聲削木刺波舟逆行  
問津候館得豐樂  
回首洞天無玉清愁看迤纚疊石子  
快是隔篷眠水晶



兒曹等閑動喜色，甌有滑白長腰粳。

清真觀清軒

向背仙宮總僻林，茲軒仍出古城陰。  
千年曾史長存魄，一片巢由不染心。  
秋闕雨高天洗翳，夜涼風軟月吹金。  
冰壺蚤訝貯人世，況復隔溪蔥蒨深。

清真觀齋軒

物理相懸能幾何，是非得喪了無多。  
仙家日月閑庭戶，人世浮沈寄唯阿。  
矗櫺曉聲來雜珮，連漪春脈漲青羅。

箇中故有天倪在持語流光任擲梭

送廷允決曹解官舟行赴闕

春江活碧染衣濃  
鬧艣初挨鷁首東  
岸柳躍絲金稍重  
渚梅收糝玉全空  
腐儒糟粕迂疎後  
上客風雲感慨中  
好訪瀛洲綴仙客  
家山無苦夢壺公

次韻酬友

束書歸伴鶴頭鉏  
贏得髭根未雪如  
春圃有田皆杜鄩  
曉窗無岫不衡廬  
糟牀最與天真近  
魚沫何妨世態疎

樽足龜腰負芝朮因君特地愧三餘

次韻表民偶作

紛紛儀覆與秦傾何者竟為吾道行  
物外金朱猶土梗興來詩酒亦功名  
夢同秋棧縈紆入分比春蘭馥郁生  
他日未宜輕感慨勸人歸是子規聲

贈致政曾宣德

自得逍遙物外情  
肯將冠冕謾勞形  
門前始種先生柳  
斗下重添處士星  
丈豹霧中誰逐逐  
飛鴻天外自冥冥

最憐孤竹人高卧卻訝三閭客獨醒放曠七賢林下洞  
棲遲六一水邊亭和煙買得花栽潤帶雨移來藥顆馨  
鳬舄印殘蒼蘚綠蝸廬築破遠山青消磨日月碁千局  
笑傲雲霞酒一瓶隱几旋成招隱句披衣新看養生經  
小軒靜把琴開匣幽苑深將鶴翦翎明月有時來竹塢  
紅塵無路到松局幾多九老圖中景都為丹青入障屏

上金陵黃尚書安中二首

南來踽踽拜前塵雅睠仍從轍鮒新四照色溫初似玉

一時恩到總成春，非如學者論糟粕。須信人間得鳳麟，  
況有珠璣長滿把。冥搜終恐物華貧。

千毫回斡自無旁，逸勁仍聞飲石梁。黃卷素心因事見，  
空門真味與閑長。扁舟尚錄袁臨汝，清酒無論顧建康。  
五載轉頭歸一瞬，門闌依舊笑羝羊。

和安中東樓會飲

岌岌飛觀決層雲，主意全傾合坐賓。譚笑龍岡下白日，  
衣冠麟閣識功臣。欲窮人目逢山好，未老秋容到酒醇。

忍對南鴻問寥廓沈冥誰是蜀莊珍

王公濟四美樓

寸心不與一物隔遠目自為千里期便共溪山有情分  
更緣阡陌識參差層雲異日雖輕舉獨鳥長年可俯窺  
緹騎到家春蒲眼庾公清興不應衰

李倅惠詩次元韻酬謝

寸毫揮灑敵連城想見仙標白玉京周鼓直須論妙刻  
陶琴初不費煩聲它年浪許曾窺豹此日誰堪與濯纓

寂寞蓬萊今有助病軀那復愧登瀛

九曲池

昔帝檣烏下日邊曾留清蹕此踟躕魚龍窟暗浮春漲  
鳬雁行低破暝煙星閣推頽空歲月無城埋沒舊山川  
後庭一曲陳家破更看當年水調傳

搯筇

蹭蹬年來誰寄聲靜搯筇竹了無營照衣檐竹露逼  
冷過耳海潮風送清豈有稻梁驕雀鼠終慙醅酒費瓶罍

請纓自是男兒事咄咄胡為過半生

次韻酬錫遠孤坐有懷

白簡差差長蠹魚強顏那復計三餘長波不洗客愁去  
脫葉似將官況疎行樂醉鄉金欲盡投身老境歲還除  
因持舊史論窗燭大半功名不是書

寄兜率悅禪師二首

三峽當年一錫飛祖燈曾是密傳西示徒端的只消指  
灌頂分明別有醍醐衲擁雲驚曉榻病髭鑷雪照寒溪



知誰解吸西江水賴有孤禪覺衆迷

篋輿曾約下山顏白足塵緣等是慳貪為水雲留物外  
劣容紙墨到人間銀潢一剎愁枯肺金鑰千重想上關  
病客此身似籠鳥何時毳衲對欄斑

王適中渝飲約以詩招之

別君倒指脩旬日顧我搖心如旆旌蒲引未應勤上客  
高譚聊欲破勞生望梅終恐難酬渴挹露懸知別得清  
咫尺履綦猶惜到可能無復故人情

送致政吳通直

黑頭貪作隱中仙，高謝清時五兩綸。  
物外收將閑日月，人間歸去好溪山。  
二疏等作揮金計，

通直伯氏前此亦以朝請謝事

五

柳猶遲倦鳥還多少，有車懸不得規規。  
鍾漏亦何顏

贈吳伯玉

瞥去門闌兩換春，標規仍愜此來親。  
能將官況為餘事，別有陽和到後塵。  
袞袞何妨流水澹，紛紛誰數白頭新。  
擬論一報酬恩地，愧我猶為鑢棘人。

羅漢系南長老

諸方喉舌卷春容  
直指慈幢信長雄  
翳盡全開捫海月  
清多平挹洗天風  
相望震旦傳衣後  
別寄西兒妙斲中  
好把沃洲論五老  
羶肱重此得支公

送螺川張太守二首

時請宮觀  
寓居瑯琊

西南五馬照青螺  
衆惜班春未幾何  
綠髮桑榆收太蚤  
青雲歧路賸來多  
仙家職事清閑好  
逋客林泉取次過  
正恐此身休不得  
再看鄒律起陽和

涼颼一水漾清虛畫蠲翩翩北去初暫把壯圖收絃冕  
只留和氣到閭閻海邊有夢通琳闕物外無心挂隼旟  
寄語琅琊好泉石使君不是賦歸與

江館三首

山川定出書意外魚鳥自閑眠對時艇子黏天歸一葉  
濤頭吹雨落千麾截波尚欲論孤劒應客初慙乏大兒  
聽得漁郎隔溪語夜來秋色暗江離

無塵一境好仙去有夢九秋應鶴知弱篠嬋娟藏別塢

野紅高下補疎籬  
秫田百畝堪供酒  
鱸手千刀間憶鮑  
未愧鏡湖誇賀監  
聊將星管覓桓伊

連雲草樹縱橫幕  
點水鳬鷗黑白棊  
日晏廚煙青一穗  
暑餘窗雨暗千絲  
飽聞楊惲生行樂  
懶賦張衡我所思  
軟碧會須連月占  
恣看飛櫂界琉璃

自竹巖至杉溪

曉尋蔥蒨踏頑雲  
越俗閩風雜楚民  
天窄定藏巫峽雨  
溪深疑有武陵春  
驅寒萬籟爭奔壑  
競秀千峯自逼人

斷送殘年歸馬首卻羞頭著故綸巾

送狄太守清明日燕蒲田共樂亭二首

青幢翠葆抱參差浮客黃金鑿落揮一日山川如得主  
兩眸天地不藏機華胥有國真稀闊齊物名篇孰是非  
澀道直西暄絳蠟卷空簫鼓使君歸

它年勝踐歸林記

舊亭有林子中記

大半豪誇落蔡篇

亭有蔡君謨詩

快甚躍壺窺日月恍疑枯海變桑田觥船照客吹紅液  
軒檻嬌春撲紫煙到得無雲賸寥廓此身仍在鳥飛邊

出試院次韻和酬鄭通直

吏役區區病足酸愁聞三十六盤山

建安道中有山號三十六盤

偶

從物外抽身去又作人間行路難主意十分濃似酒客  
心一縷急於灘夜光莫道無因至乞與扁舟洗眼看

白鷺亭逢胡仙尉晉侯

漲天絲雨欲肥梅江上相逢秀色開白髮十年歸夢寐  
青衫一笑洗塵埃雲邊活碧山圍健汀末疎明鳥陣回  
獨向稠人見高義此情須敵萬瓊瑰

過合肥會黃天倪

白狼峯頂共留連一紀於茲賸四年事過已如炊黍夢  
鬢催難著買春錢飄零慙說相思駕灑落仍傳到手篇  
梨栗果盤魚蟹釘恍疑身世上通川

贈致政曾宣德

何得清時便挂冠歸來高卧水雲間一輪白日易催老  
百斛明珠難買閑行止盡將隨野鶴生涯都付與青山  
庭前烏影高三丈見說朱扉尚閉關



冬日呈郭明遠

騷雅亡來幾百年不圖今日見君篇  
道豪壓倒元才子清麗追回李謫仙  
風月吟窮三寸舌江山歸欠一囊錢  
此時長嘯出門去但覺遶梁遺韻傳

春日送簽判陽承議

春山野思萬千重那更江頭來送公  
別淚滴流紅杏雨離情搖曳綠楊風  
一枝易遶南飛鵲隻字難憑北塞鴻  
惟有感恩情不斷夜深長入夢魂中

春日送林推官

送君南浦忍分襟  
注目春江煙水深  
思亂似雲無所著  
情濃如酒不堪斟  
杏花燒斷離人眼  
杜宇啼穿去客心  
別後願為深夜蝶  
翩翩飛夢去相尋

春日舟中即事

不因門有北堂親  
肯泛孤舟瘴海濱  
萬里江湖愁去客  
一春風雨厭行人  
花朝水國留題嬾  
月夜鄉園入夢頻  
每被煙波驚破膽  
卻思雲石自由身

春日舟中喜晴

霧斂雲回雨卻殘  
衣單猶尚怯朝寒  
煙塵暗處江山窄  
日月光來宇宙寬  
漁樵不憂灘浪險  
客輪惟喜路程乾  
關關珍重梢頭鳥  
每到晴中語亦懽

海山樓晚望

登高懷遠思依依  
目斷滄洲舊釣磯  
城上兩三聲畫角  
天涯千萬里斜暉  
煙抽綠草隨洲轉  
風遞輕煙貼水飛  
到此自歎堪下淚  
不須啼鳥勸如歸

春日即事

歲月催人誤壯圖  
風清官況強支吾  
春來酒病尋常有  
老去花迷大殺無  
慵裏盛添詩債負  
閑中贏得睡工夫  
誰知到此扁舟內  
白面書生瘦矣乎

舟中驚夏

牡丹纔過石榴開  
歲月驚人老易催  
一面紅顏春遞去  
蒲簪華髮夏催來  
蠅頭利祿徒勞耳  
麟閣功名太晚哉  
不必更增川上歎  
及時行樂且銜杯

觀劉禹錫題湟川記

誰道連州海瘴邊只消禹錫一雄篇  
江山草木皆增價風月煙霞總直錢  
十二亭臺塵外境一千疆界洞中天  
自經大筆留題後從此湟川勝洛川

題清漪亭

平昔江流清得名只今池面勝江清  
人間有鏡磨秋骨天上無宮敵水晶  
月借嬋娟相表裏路分瀟灑入逢迎  
會須飽占銀潢魄莫似滄浪濯垢纓

次韻譚令尹茅庵

到佛元非定如仙等是家了忘名利戰秦晉謾彭衙  
罇月明窗紙涼竿埽徑塵卻應環堵在瀟灑屬吾人

輦下春懷七絕呈趙達夫

試院中作

絳闕峒崑五色中六街風穩柳貪慵金明解染波千頃  
不似君王惠澤醲

蝶正冶容蜂正狂鶯如羞澀燕如忙低枝莫搭鞦韆索  
留送嬋娟出短牆

杏紅似為桃紅妒柳綠渾將水綠爭去日背人來日逼  
新愁特地舊愁并

活琉璃漲金明色鬧綺羅成上苑園須信皇州春自滿  
莫愁青帝等閑歸

魂先絮怯青樓女命為花輕白恰郎春色不應疎病客  
正緣生計紙千張

岸柳禁持人學舞牆花勾引客窺鄰速將事當悠悠夢  
賸買歡歸袞袞身

直取浩歌論纂纂  
容三爵徑油油  
送花明月憐人殺  
帖體紅波凝不流

富沙門樓

撲開行人袞底流  
闌闌縹緲到三休  
霜魂月魄交光夜  
十二冰簾不上鉤

曾聞仙者好樓居  
樓外仙山入指呼  
聊作上遊新粉澤  
使君不為貯羅敷

安濟橋

編舟為之去玉清  
洞天五十步許



誰把靈槎接飲牛主人瀟灑古東甌  
玉清夜半開冰箔  
暗認方平別駕蚪

擁翠抱青得要津截波仙屐畧無塵  
借令萬鵲填橋巧  
何補褰裳一世人

送李德素罷官歸舒城

朔風吹眼水溶溶白社凝香杳靄中  
千里滄洲帆一抹  
遙知此日背冥鴻

水落淮天蟹子肥三年遊子片帆歸  
東坡櫓楫黃雲滿

試傍林椒振客衣

陪彭安行雙蓮亭小酌

無塵淨淥枕青鴛箇樣清虛不似鄜更喜晚來翹白鷺  
伴君和我作三仙

留題神仙院

白鷺飛邊盡古今蕭條鬼冢與神林故時門巷猶能憶  
十載重來白一簪

白帝憐秋自不勝等閑時放一番清詩情大似歸飛鶴

聊作當年警露聲

陪林明復功德院小軒對假山有成

候禽幽轉似爭春  
我亦貪搔不屋巾  
巖薜煙姿在眉睫  
箇中還有傲秦人

蓮華峯法雲即事

奈我此身無定居  
正如飛絮撲江榆  
兩毛更甚盧蒲短  
好在朱陵見憶無

十十五五跳波魚  
三三兩兩踏歌姝  
前山後山碧一色

似不多愧瀟灑圖

送徐擇之祕校還睢陽

汴水東頭古堞開  
青鴛舞影幾樓臺  
莫將歸雁比行色  
身未到家春已來

題增城駐舟亭

一亭瀟灑枕江流  
水色山光四面浮  
多少客帆檐外過  
不知誰是濟川舟


題吉水南華寺

紫翠浮浮奪曉昏生涯谷汲與松焚客塵一點自應少

終日到門惟白雲

今寺有刻石扁其堂曰白雲

野興由來愜杖藜層巒影裏見翬飛虛堂一炷起凝碧  
化作九天雲染衣



宋百家詩存卷十一